

Муродов Ч.

ЎзР ВМ ҳузуридаги Макроиқтисодий тадқиқотлар ва прогнозлаштириш институти
Бош илмий ходими, и.ф.д.;

Ҳасанов Ш.

Самарқанд Қишлоқ хўжалиги институти
“Қишлоқ хўжалиги иқтисодиёти ва бошқарув”
кафедраси доценти;

Муродова М.

Тошкент давлат иқтисодиёт университети талабаси

АГРОКЛАСТЕРЛАРНИ ТАШКИЛ ЭТИШДА ЖАНУБИЙ КОРЕЯ ТАЖРИБАСИДАН ФОЙДАЛАНИШНИНГ ЙЎНАЛИШЛАРИ

МУРОДОВ Ч., ҲАСАНОВ Ш., МУРОДОВА М. АГРОКЛАСТЕРЛАРНИ ТАШКИЛ ЭТИШДА ЖАНУБИЙ КОРЕЯ ТАЖРИБАСИДАН ФОЙДАЛАНИШНИНГ ЙЎНАЛИШЛАРИ

Мақолада қишлоқ хўжалигининг рақобатбардошлигини оширишда Ўзбекистонда агрокластерларни барпо этишда хорижий мамлакатлар тажрибасини ўрганиш зарурияти, жумладан, Жанубий Корея давлати тажрибасининг иқтисодий, ташкилий ва институционал жиҳатлари таҳлиллари асосида, Ўзбекистон шароитидан келиб чиқсан ҳолда фойдаланишнинг асосий йўналишлари ва самарали фаолияти учун чора-тадбирлар тизими келтирилган.

Таянч иборалар: қишлоқ хўжалигининг рақобатбардошлиги, Корея Миллий Қишлоқ хўжалиги Кооперативлар Федерацияси, институционал тузилма, ҳудудий ихтисослашув, маркетинг тизими, агротуризм, инсон капитали, илмий-тадқиқот станцияси, қишлоқ хўжалиги логистика маркази.

МУРОДОВ Ч., ҲАСАНОВ Ш., МУРОДОВА М. НАПРАВЛЕНИЯ ИСПОЛЬЗОВАНИЯ ОПЫТА ЮЖНЕЙ КОРЕИ В СОЗДАНИЕ АГРОКЛАСТЕРОВ

В статье на основе анализа зарубежного опыта, в том числе, экономических, организационных и институциональных аспектов Южной Кореи, определены основные направления их использования в повышении конкурентоспособности сельского хозяйства, предлагается система мер и механизмы для эффективной деятельности агрокластеров в Узбекистане.

Ключевые слова: конкурентоспособность сельского хозяйства, Национальная Федерация сельскохозяйственных кооперативов Кореи, институциональная структура, территориальная специализация, система маркетинга, агротуризм, человеческий капитал, научно-исследовательская станция, центр логистики сельского хозяйства.

MURODOV CH., HASANOV SH., MURODOVA M. IMPLEMENTATION OF AGRO CLUSTER CREATION SOUTH USING EXPERIENCE OF KOREA.

In the article on the basis of analysis of foreign experience, including economic, organizational and institutional of South Korea developed system of measures and mechanisms for improve the competitiveness of agriculture, as well identified the main directions of efficient agro cluster operation in Uzbekistan.

Keywords: competitiveness of agriculture, National Federation of agricultural cooperatives of Korea, institutional structure, territorial specialization, marketing systems, agro tourism, human capital, research station, logistics center of agriculture.

Бугунги кунда қишлоқ хўжалигининг барқарор ривожланиши аксарият жиҳатдан унинг рақобатбардошлигини оширишга боғлиқдир. Ушбу йўналишда Ўзбекистонда агрокластерларни барпо этиш муҳим омил ҳисобланади. Бу борада Жанубий Корея давлати тажрибаси ўзининг иқтисодий, ташкилий ва институционал жиҳатлари билан Ўзбекистон шароитига ўхшашлиги бу давлат тажрибасини ўрганиш ва Ўзбекистон шароитида қўллаш истиқболларини ўрганишни тақозо этади.

Ўзбекистонда барча соҳа ва тармоқлар каби қишлоқ хўжалиги ҳам жадал ривожланмоқда. Бунда ер ҳақиқий эгасини топганлиги, соҳада изчил амалга оширилаётган кенг кўламли ислоҳотлар, қишлоқ хўжалигидаги мавжуд ҳолатлар, ишлаб чиқарувчиларга давлат томонидан зарур кўмакнинг берилаётганлиги, уларнинг ҳар томонлама қўллаб-қувватланаётганлиги ўз смарасини бермоқда.

Ўзбекистон Республикаси Президенти Ислом Каримов мамлакатнинг 2012 йилдаги ижтимоий-иктисодий ривожлантириш якунлари ҳамда 2013 йилдаги иқтисодий ривожланишнинг устувор йўналишларига бағишинган Вазирлар Маҳкамаси йиғилишидаги маърузаларида алоҳида қайд этганлариdek, "Мамлакатимизда, ... қишлоқ хўжалигини иқтисодий ислоҳ этиш бўйича ўта муҳим чора-тадбирларнинг амалга оширилаётгани, қишлоқда бозор муносабатларини жорий этиш ва хусусий мулкчилик шаклини ривожлантириш, фермерлик ҳаракатини қўллаб-қувватлаш учун ҳуқуқий, ташкилий ҳамда молиявий шарт-шароитларни туғдириб бериш бундай юксак натижаларни қўлга киритишда ҳал қилувчи омил бўлмоқда..."¹.

Хусусан, Ўзбекистонда амалга оширилаётган аграр соҳадаги ислоҳотларни бочқичмабосқич амалга ошириш натижасида қишлоқ хўжалиги товар ишлаб чиқарувчиларининг иқтисодий эркинликларини кенгайтириш

ва давлат буюртмасига нархларнинг шаклланишини такомиллаштириш, паст рентабелли ва зарар кўриб ишлайдиган йирик қишлоқ хўжалик корхоналари таркибий тузилмасини қайта ўзгартириш ҳамда уларнинг негизида фермер хўжаликларини ташкил этиш, суғориладиган ерларнинг мелиоратив ҳолатини яхшилаш, мева-сабзавот маҳсулотларини сақлашнинг моддий-техника базасини ривожлантириш, қишлоқ хўжалиги хом ашёсини қайта ишлашни чуқурлаштириш, қишлоқ хўжалиги ишлаб чиқаришини модернизация қилиш, техник ва технологик жиҳатдан қайта жиҳозлаш ҳамда фермер хўжаликлари тасарруфидаги ер участкалари майдонини мақбуллаштириш, уларнинг фаолиятини қўллаб-қувватлаш учун буғунги кун талабига жавоб бера оладиган замонавий хизмат кўрсатиш инфратузилмасини яратиш орқали барқарор иқтисодий фаолият юритишларининг ташкилий ва иқтисодий асослари яратилди.

Буғунги кунда қишлоқ хўжалигининг барқарор ривожланиши аксарият жиҳатдан унинг рақобатбардошлигини оширишга боғлиқдир. Ушбу йўналишда Ўзбекистонда агрокластерларни барпо этиш муҳим омил ҳисобланади. Бироқ агрокластерларнинг республика шароитида янги институционал тузилма эканлигини инобатга оладиган бўлсак, агрокластерларнинг назарий ва услубий жиҳатлари билан бир қаторда, хорижий мамлакатлар тажрибасини ўрганиш муҳим омил ҳисобланади. Бу борада Жанубий Корея давлати тажрибаси ўзининг иқтисодий, ташкилий ва институционал жиҳатлари билан Ўзбекистон шароитига ўхшашлиги билан ажралиб туради.

Кореяда агрокластерларни ривожлантириш зарурияти асосан қуйидаги омиллар бি-

¹Каримов И.А. Бош мақсадимиз – кенг кўлами ислоҳотлар ва модернизация йўлини қатъият билан давом эттириш. Ўзбекистон Республикаси Президенти Ислом Каримовнинг 2012 йилда мамлакатимизни ижтимоий-иктисодий ривожлантириш якунлари ҳамда 2013 йилга мўлжалланган иқтисодий дастурнинг энг муҳим устувор йўналишларига бағишинган Вазирлар Маҳкамасининг мажлисидаги маъruzasi. // "Халқ сўзи", 2013 йил 19 январь.

лан белгиланганлигини таъкидлаган ҳолда, Ўзбекисон шароитида ҳам асосий омиллар тарзида инобатга олиш мумкин. Жумладан:

- давлатнинг қишлоқ хўжалигига амалий ёрдами ва қўллаб-қувватлаши ҳамда ислоҳотларни амалга оширишдаги етакчилиги;

- тарихий ва миллий анъаналардан фойдаланиш, уларни сақлаб қолиш, замонавийлаштириш асосида янги йўналишларни шакллантириш;

- ҳудудий ихтисослашув ва қишлоқ хўжалиги маҳсулотларининг рақобатбардошлигини ошириш ва ривожланишининг барқарорлигини таъминлаш;

- давлат-университетлар-илмий тадқиқотлар-фермерлик-қайта ишлашибнеснинг биргалиқда фаолият юритишининг ўзаро мутаносиблигини таъминлаш механизми;

- олимлар мавқеи ва илмий тадқиқотлар натижаларининг юқорилиги ҳамда уларни қўллаб-қувватлашда давлат сиёсати даражасидаги мавқеининг юқорилиги;

- юқори инновацияга асосланган ишлаб чиқаришни ташкил этишга устуворлик берилиши ва уни давлат томонидан қўллаб-қувватлашнинг самарали механизмининг шаклланганлиги;

- маркетинг тизимининг ривожланганлиги;

- инсон капиталига муносабатнинг юқорилиги ва уни қишлоқда ривожлантиришга устуворлик берилиши.

Ушбу омилларнинг Ўзбекистон шароитидан келиб чиқсан ҳолда самарали ишлаши учун кенг қамровли чора-тадбирлар тизими ишлаб чиқилиши лозим.

Маълумки, агрокластерлар давлат, фермерлар, олий таълим ва тадқиқот муассалари ҳамда хусусий корхоналар ташабbusи асосида ташкил этилади.

Хусусан, Жанубий Кореядаги машхур Сунчанг Паста ишлаб чиқариш кластери (Sunchang Paste Cluster) маҳаллий ҳокимият томонидан бошқариладаган кластер бўлиб, соя, қалампир, қулупнай, олхўри кабилардан турли хилдаги маҳсулотлар ишлаб чиқариш билан шуғулланади. Ушбу кластер Корея ҳукуматининг қишлоқ ҳудудларида демографик ҳолатни яхшилаш (қишлоқ аҳолиси, асо-

сан ёшларнинг шаҳарга кетиб қолишини камайтириш), тарихий анъаналар асосида ишлаб чиқаришни қўллаб-қувватлаш, қишлоқса саноат ва агротуризмни олиб кириш каби ривожлантириш дастурлари асосида ташкил этилган. Агрокластердаги 5292 та фермер хўжалигида 9780 гектар экин майдонида маҳсулот ишлаб чиқарилиб, унда жами 12331 та киши ишлайди¹. Жами 30 минг аҳолиси бўлган ушбу ҳудуднинг ҳозирда йиллик экспорти 1 миллион АҚШ долларини ташкил этмоқда. Агротуризм ва меҳмонхона сервиси-ни ривожлантиришҳисобига 2018 йилгабориб йиллик экспортни 3 миллион АҚШ долларига етказиш режалаштирилган. Ҳайратланарли томони шундаки, ушбу кичик бир қишлоқса ҳар йили ўртача 12 мингдан ортиқ турист ташриф буоради. Ўзбекистонда ушбу кластернинг қишлоқ ҳудудларини ривожлантириш дастурларини қўллаб-қувватлаш, тарихий анъаналар асосида соя, қалампир каби маҳсулотларни ферментация қилишда оиласвий корхоналарни ва уйларни аслича сақлаб қолиш ва туризм обьектига айлантириш, агротуризм (шаҳар аҳолиси ва болаларнинг ўз қўллари билан мева-сабзавотларни узишлари ёки уларни қайта ишлаш ва тайёрлашда иштирок этишлари), қишлоқда меҳмонхона бизнесини ўйлга қўйишда фестивал ва турили тадбирлар ўтказиш тажрибаларидан фойдаланиш мумкин. Шунингдек, фермерлар учун ахборот-маслаҳат бериш ҳамда қишлоқ хўжалиги агрегатларидан биргалиқда фойдаланиш тажрибалари ҳам дикқатга сазовордир.

Бунда марказий давлат ва маҳаллий ҳокимият томонидан молиялаштириш, турили ўқитиш семинар-тренинг лойиҳаларини амалга ошириш, марказнинг фаолиятидаги ишлаб чиқариш жараёнлари, маҳсулотни қайта ишлаш ва техникавий ёрдам кўрсатиш каби деҳқон учун имкониятлари чекланганлиги шароитда давлат томонидан қўллаб-қувватлашга оид тажрибаларни Ўзбекистонда нафақат фермер, балки деҳқон хўжаликларида ҳам қўллаш мумкин ҳамда агрокластерларни ташкил этишда маҳаллий ҳокимиятнинг қўллаб-қувватлаши ва ҳудудларнинг ихтисослашуви ва етиштираётган қишлоқ хўжалиги

¹Sunchang Paste Cluster: information brochure. 2013

маҳсулотларининг рақобатбардошлигига асосий эътиборни қаратиш каби омиллардан фойдаланиш мумкин.

Чунгдо хурмо кластери (Chungdo Persimmon Cluster) 2009 йилда фермерлар ташаббуси билан ташкил этилган. Маълумот ўрнида айтиш керакки, Корея дунёда етиширилаётган барча хурмо мевасининг 12 физини ишлаб чиқаради¹. Ушбу ҳудудда Ко-реядаги уруғсиз хурмонинг 65%ни етиширилади. Фермерлар ташаббуси асосида ташкил этилган ва бошқариладиган ушбу кластер хурмодан йил давомида янги узилган, ярим қуритилган, қуритилган, ферментация қилинган, хурмо ёғи, хурмо виноси, ранг ва бошқа маҳсулотлар ишлаб чиқаришга мўлжалланган. Хурмо кластери хурмо етишириш-қайта ишлаш-нархини сақлаш- маркетинг ва рекламани ривожлантиришга қаратилган. Ушбу кластер яна бир бор агрокластерда "бизнес-университетлар-илмий тадқиқотлар-давлат"нинг биргаликдаги ҳаракати ва бунда илмий тадқиқотларга асосий эътибор берилганигига амин бўлдик. Фермерларнинг ушбу кластерга қўшилиши натижасида оладиган даромадлари бошқа тармоқлар қўшилиши ҳисобига кескин ошганлигини кўриш мумкин. Ўзбекистонда ушбу кластернинг маҳсулотни оддий усуlda турли кўринишда ишлаб чиқариш ва бунда илмий тадқиқотларга асосий урғу бериш; инновацион маҳсулотлар (м-н, соғлик учун фойдали сироп ва бошқалар) ишлаб чиқариш; юқори ҳарид нархлари орқали фермерларни кластерга жалб этиш, маркетинг тадқиқотларидан фойдаланиш; кадрлар тайёрлаш каби тажрибаларидан фойдаланиш мумкин.

Гиёнгсангбукдо қишлоқ хўжалиги тадқиқотлари марказининг Сангжудаги хурмо тажриба станцияси (Gyeongsangbuk-Do AR& ES, Sangju Persimmon Experiment Station) хурмо бўйича тадқиқотлар олиб борадиган, яъни уни етиширишдан то истеъмолчиларга етказишгача бўлган жараёнларни тадқиқ эта-диган Кореядаги ягона станция ҳисобланади. Ушбу илмий-тадқиқот станцияси энг замона-вий асбоб-ускуналар билан жиҳозланиб, бу станцияда 27 киши, шу жумладан, 6 та про-фессор, 2 та ёрдамчи ва 4 та техник ходим

¹FAOSTAT, www.fao.org/statistics

ҳамда 15 та яна бошқа ёрдамчи мутахассислар фаолият юритади². Станция ер майдони 11 гектардан иборат. Станция уч йўналишда иш олиб боради:

- янги хурмо навларини яратиш;
- янги технология ва усулларни ишлаб чиқиш;
- янги қайта ишлаш технологияларини жорий этиш.

Ўзбекистонда хурмо ўсимлиги бўйича тадқиқотлар уни етиширишдаги ва истеъмолчиларга етказишдаги жараёнларни тадқиқ этиш, янги хурмо навларини яратиш, янги технология ва усулларни ишлаб чиқиш, янги қайта ишлаш технологияларини қўллаш каби илмий ишланмаларни тезликда жорий этиш, ушбу соҳадаги мутахассислар билан тажриба алмашиш кабилардан маълум турдаги қишлоқ хўжалигига ихти-сослашган, масалан, Қувада анор, Жомбойда олма, Булунғурда помидор, Паркентда узум етиширишга оид агрокластерлар ҳамда улар таркибида тажриба станцияларини ташкил этишда фойдаланиш лозим.

Мункиеонг олмани қайта ишлаш кластери (Munkyeong Apple Processing Promotion Group) бизнес корхоналари ҳаракати асосида тузилган кластер бўлиб, у истеъмолчиларга олма билан боғлиқ 100 дан зиёд маҳсулот ва хизматларни таклиф этадилар. Аввал ушбу ҳудудда кўмир қазиб олинган бўлиб, 1994 йилда кўмир қазиб олиш тўхтатилгач, аҳолининг шаҳарга кетиш қолишининг олдини олиш мақсадида ушбу ҳудудга олма кластери ва туризмни ташкил этиш учун давлат томонидан 50 миллион АҚШ доллари миқдорида инвестиция киритилган. Ушбу олма кластери 2004 йилдан йилига 4 мил-лион АҚШ доллари миқдорида фойда олган бўлса, 2012 йилга келиб, маҳсулотлар миқдорининг турли-туманлиги, қўшимча хизматлар, агротуризм ва меҳмонхона хизматини таклиф этиш орқали 90 миллион АҚШ доллари миқдорида фойда олишга эришган³. Бизнинг шароитда турли мева маҳсулотлари брендларидан (м-н, Самарқанд ёки Бахмал

²Gyeongsangbuk-Do AR& ES, Sangju Persimmon Experiment Station information brochure, 2013

³Munkyeong Apple Processing Promotion Group's Annual Report 2012.

олмаси, Қува анори, Олтиариқ узуми кабилардан) фойдаланиш мүмкін.

Шунингдек, Ўзбекистонда аниқйұналишлар бүйічә қишлоқ хұжалигини барқарор ривожлантиришда Жанубий Кореяның ушбу соҳада фаолият юритадиган қатор ташкилотларининг қуйидаги тажрибаларидан фойдаланиш мүмкін:

- Жанубий Корея Миллий қишлоқ хұжалиги кооперативлари федерацияси (NongHyup) нинг күп тармоқли ишлаб чиқариш, қайта ишлаш, сервис соҳаларини үзида бирлаштырган йирик институтционал бирлашма ҳисобланади. Мамлакатимизда ушбу бирлашманиң йилнинг барча фаслларида қишлоқ хұжалиги маҳсулотларининг нархларини бир хилда ушлаб туриш, экологик тоза маҳсулотлар ишлаб чиқаришни ҳар томондан құллаб-қувватлаш, қишлоқ хұжалиги ишлаб чиқарувчилариға имтиёзли кредитлар беріш, озиқ-овқат марказларини ташкил этиш, мунтазам равища кооператив аъзоларининг бизнесни амалга оширишларидан манбаатлари ва ҳуқуқларини ҳимоя қилиш мақсадида тренинглар үтказиб, қишлоқ хұжалиги әкинлариниг янги навларини тавсия этиб, ишлаб чиқариш харажатларини қисқартыриш ва қишлоқ ахолисининг даромадларини оширишга қаратылған фермерларнинг бизнес ва турли таклифларини құллаб-қувватлаш, ҳар хил молиявий хизматлар ва бошқаларни күрсатып борасидаги бозор тамойилларига мос механизмларининг Ўзбекистоннинг шароитига мос жиҳатларидан Республика фермерлар кенгаши томонидан, республика ва ҳудудлар даражасида деҳқонларнинг нодавлат ташкилотларини шакллантиришда фойдаланиш;

- қишлоқ хұжалиги маҳсулотларини ишлаб чиқарувчилар, қайта ишловчилар ва ушбу соҳага тааллуқли бўлган агробизнес субъектлари ўртасида мунтазам равишида қишлоқ хұжалиги маркетинги ва қишлоқ хұжалиги кооперативлари, қишлоқ жойларини ривожлантириш ва қишлоқ хұжалиги маҳсулотларини қайта ишлаш, бошқариш ва маркетинги бўйича тренингларни амалга ошириш;

- Федерация (NongHyup)нинг фермер хўжаликларини инновацион технологияларни қўллаш борасида қўллаб-қувватлашда

кўрсатаётган амалий ёрдами асосида молијавий, ташкилий агрокластерларни ташкил этиш ва уларнинг фаолиятини тартибга солиш ҳамда қўллаб-қувватлашда давлат билан ўзаро ҳамжиҳатлиқдаги фаолиятидан фойдаланиш, бунинг учун эса Республика фермерлар кенгashi фаолиятини, Савдо-саноат палатаси ва бошқа нодавлат ташкилотларининг ўзаро ҳамкорлигини янада кучайтириш юзасидан тадбирлар ишлаб чиқиш ҳамда бу ташкилотларнинг давлатнинг марказий ва маҳаллий ҳокимият вакилларини билан мустаҳкам алоқа ўрнатишлиари талаб этилади;

- Федерация (NongHyup) кўмагида ташкил этилган маҳаллий Корея қишлоқ хұжалиги маҳсулотларини сотиш билан шуғулланадиган Ханора Тақсимот Маркази (Hanora distribution center)нинг экологик тоза маҳсулотлар ишлаб чиқариш, қишлоқ ҳудудларидан тайёрлар омборлари ташкил этиш, фермерларни озиқ-овқат талаблари асосида сифатли маҳсулотлар ишлаб чиқаришга ўргатиш, мамлакатда ишлаб чиқарилган қишлоқ хұжалиги маҳсулотларини фермерлардан аввалдан тузилган шартнома асосида сотиб олиб, уларнинг сифати, кўриниши, ҳажми бўйича ажратиб, турли оғирликларда қадоқлаб, марказнинг үзида чакана савдога чиқариб сотиш, ҳамда бошқа йирик ёки бошқа супермаркетларга уларнинг талабларига кўра улгуржи ҳолатда етказиб бериш, ёш авлодга миллий маҳсулотларга нисбатан қизиқиши оширишда тренинг дарсларини уюштириш, қишлоқ ҳудудларини ривожлантириш дастурлари тажрибаларини мамлакатимиз қишлоқ хұжалигини устувор ривожлантиришда қўллаш;

- Ансеонг Қишлоқ хұжалиги логистика маркази (Anseong Agricultural Product Logistic Centre)нинг қишлоқ хўжалик маҳсулотларини фермер-марказ-магазин занжири бўйича сотиб олиш ва сотиш, истеъмолчилар учун қулай, яъни ювилган, ярим тайёр маҳсулотлар шаклидаги маҳсулотга айлантириш, қадоқлаш, маҳсулотларни сотиб олиш ва сотишдаги устама харажатларини паст даражада белгилаш каби тажрибаларини қўллаган ҳолда, Ўзбекистонда бу каби логистика марказларини қишлоқ хұжалигини ривожлантиришнинг кейинги босқичларида, ассан, автомобил ва

темир йўлларга яқин бўлган жойларда барпо этиш;

- Кангвон Миллий университетининг замонавий асбоб-ускуналар билан жиҳозланган қишлоқ хўжалиги маҳсулотларини етишириш ва қайта ишлаш бўйича лабораторияларининг амалиёт билан бевосита боғланган ҳолда илмий-тадқиқот ишларини ташкил этиш ва уларни амалиётга жорий этиш тажрибаларидан Ўзбекистонда олий ўқув юртлари билан бевосита ишлаб чиқарувчилар ўртасидаги алоқани ўрнатишда фойдаланиш.

Ўзбекистон шароитида, Жанубий Корея Республикасидаги каби, агрокластерларнинг давлатнинг ташаббуси ва бевосита иштирокида ташкил этилиши энг мақбул йўл ҳисобланади. Шунинг учун ҳам агрокластерларни барпо этиш, авваламбор, ушбу жараённинг қишлоқ хўжалигига янги институционал тузилма эканлигидан келиб чиқсан ҳолда, ҳуқуқий, ташкилий ва иқтисодий асосларининг давлат томонидан шакллан-

тирилиши лозим. Ушбу йўналишда биринчидан, Ўзбекистон Республикаси Вазирлар Маҳкамасининг "Агрокластерларни ташкил этиш тўғрисида"ги Қарори қабул қилиниши лозим. Ушбу қарорда агрокластерларни ташкил этишининг зарурияти, йўналишлари, ҳуқуқий, ташкилий ва иқтисодий асослари, мавжуд қонунларга ўзгартиришлар киритиш, агрокластерлар учун қўшимча инфраструктуила объектлари, шу жумладан, агрокластернинг муҳим қўшимча фаолият турларидан ҳисобланган – агротуризм, меҳмонхона ташкил этиш, агрокластерлар фаолиятини ўрганиш бўйича мониторинг олиб бориш, тажриба лойиҳаси тарзида Самарқанд вилояти Булунғур (помидор) ва Жомбой (олма) туманларида агрокластерларни ташкил этиш, республика бўйича агрокластерлар ташкил этиш ишчи гуруҳини тузиш ва уларнинг вазифалари ҳамда ташкил этилиши билан боғлиқ ташкилий-молиявий тадбирлар ўз аксини топиши керак.

Адабиётлар:

1. Каримов И.А. Бosh мақсадимиз – кенг кўламли ислоҳотлар ва модернизация йўлини қатъият билан давом эттириш. Ўзбекистон Республикаси Президенти Ислом Каримовнинг 2012 йилда мамлакатимизни ижтимоий-иктисодий ривожлантириш якунлари ҳамда 2013 йилга мўлжалланган иқтисодий дастурнинг энг муҳим устивор йўналишларига бағишлиланган Вазирлар Маҳкамасининг мажлисидаги маърузаси. // "Халқ сўзи", 2013 йил 19 январь.
2. FAOSTAT, www.fao.org/statistics
3. Gyeongsangbuk-Do AR& ES, Sangju Persimmon Experiment Station information brochure, 2013.
4. Munkyeong Apple Processing Promotion Group's Annual Report. 2012.
5. Sunchang Paste Cluster: information brochure. 2013.